



Tschertgà vischnancas da pilot per il program da furmaziun da geniturs e da promoziun tempriva «PAT – Emprender cun geniturs»

V2 Schaner 2022

En il rom dal program chantunal per constituir e per sviluppar vinavant la politica d'uffants e da giuvenils en il chantun Grischun 2020 – 2022 è planisada tranter auter en il sector da la scola preliminar la mesira «Project da pilot: program preventiv da visitas a chasa». En ina fasa da pilot che dura fin l'onn 2024 vegn introducì – en vischnancas da pilot – il program da furmaziun da geniturs e da promoziun tempriva «PAT – Emprender cun geniturs», in program internaziunal ch'è basà sin l'evidenza. La realisaziun operativa dal program è vegnida surdada a Pro Junior Grischun. Cuir e Tavau èn las emprimas vischnancas da pilot. La realisaziun en questas duas vischnancas cumenza il schaner 2022. Vischnancas interessadas pon vinavant participar al project da pilot.

Essas Vus interessada u interessà e vulessas Vus As engaschar en quest sector en Vossa vischnanca? Alura As giavischain nus bun divertiment cun leger las infurmaziuns qua sutvart. En cas da dumondas stain nus gugent a Vossa disposiziun.

«PAT – Emprender cun geniturs»

«PAT – Emprender cun geniturs» è la purschida da furmaziun da geniturs e da promoziun tempriva efficazia da prevenziun secundara per geniturs ed uffants cun pliras grevezzas psicosocialas. Quest fatg è vegnì cumprovà scientificamain. Il program da visitas a chasa ha la finamira da procurar ch'ils geniturs daventian abels da promover lur uffants en lur svilup tenor la vegliadetgna e d'augmentar uschia lur schanzas da furmaziun. Ils geniturs fan diever facultativamain dal sustegn. Famiglias cun pliras grevezzas vegnan rendidas attentas al program e motivadas da sa participar tras terzas personas assegnantas (medias e medis, cussegliastras e cussegliastrs da geniturs, spenderas e.u.v.). Las characteristics dal program «PAT – Emprender cun geniturs» èn il cumenzament tempriv durant la gravidanza resp. a chaschun da la naschienscha, in accumpagnament a lunga vista che s'extenda sur 24 fin 36 mais e che po vegnir individualisà sco er la gronda professionalità dal personal.

Niz per la famiglia

- dapli enconuschientschas davart il svilup da l'uffant, rinforzar las cumpetenzas educativas
- promover regularmain ils uffants en il mintgadi tras gieus cuminaivels ch'èn adattads a la vegliadetgna
- meglierar il svilup da l'uffant, en spezial il svilup da la lingua da tut ils uffants pitschens
- furmar ina relaziun segira tranter geniturs e l'uffant
- augmentar las schanzas da furmaziun dals uffants
- promover la sanadad da tut la famiglia
- promover gravidanzas e naschienschas saunas
- meglierar las circumstanças da vita, sco ils conturns d'abitar, la professiun u la scolaziun e l'integraziun
- installar ed extender la rait sociala
- emprendre d'enconuscher e duvrar las purschidas en la vischnanca
- contact regular cun personas che discurren la lingua locala

Niz per la vischnanca

- integraziun sociala da las famiglias en la vischnanca
- uffants e geniturs bain preparads per la scolina e per la scola – main mesiras da la pedagogia speziala
- promoziun da la sanadad
- protecziun preventiva d'uffants → main mesiras e correspudentamain main custs
- prevenziun da povradad → reducziun dals custs da l'agid social

Cumprovas da l'effect

Dapi l'onn 2010 è vegnida e vegn anc adina examinada l'efficacità da «PAT – Emprender cun geniturs» tenor il standard dad aur en ils vasts studis da lunga durada RCT ZEPPELIN. (RCT: cumparegliaziun cun la gruppa da controlla cun repartiziun casuala). Resultats actuals da la perscrutaziun sin www.zeppelin-hfh.ch.

Ulteriuras infurmaziuns incl. video explicativ davart «PAT – Emprender cun geniturs»:
<https://zeppelin-familien.ch>

Cundiziuns generalas per la participaziun da vischnancas da pilot

- Decisiun da princip da la politica: Sustegnair «PAT – Emprender cun geniturs» sco purschida a lunga vista en la vischnanca, integrar il program en strategias e concepts existents u futurs e coordinar la purschida cun activitads en il sector da la scola preliminar.
- Cofinanziaziun tras la vischnanca a partir da l'onn 2023.

Urari

a partir d'immediat	fin ils 30-08-2022	fin ils 30-09-2022	fin ils 31-10-2022	a partir dal 2023
communitgar a l'Uffizi da sanadad l'interess da sa participar al project da pilot	sa scuntrar cun l'Uffizi da sanadad per sclerir las cundiziuns generalas ed ils ulteriurs pass	segirar la cofinanziaziun tras la vischnanca (custs per plazzas per famiglias en il preventiv communal 2023)	far ina cuvegna cun l'Uffizi da sanadad per realisar PAT en la vischnanca	cumenzar cun l'accumpagnament da las famiglias cun PAT en la vischnanca

Custs per las vischnancas da pilot

Sin basa da las recumandaziuns dal chantun defineschan las vischnancas da pilot il dumber da plazzas per famiglias e cofinanzieschan quellas. Ils custs per famiglia e per onn importan var 8000 francs. Da quai surpiglia la vischnanca 3500 francs. Il dumber maximal definì da famiglias vegn cuntanschi suenter 3 onns. Las vischnancas pitschnas pon garantir ils custs per mo ina famiglia. Ils suandants exempels explitgan la dimensiun dals custs che resultan per ina vischnanca da pilot.

Vischnanca cun 4 plazzas per famiglias

2023 (2 famiglias en il program): 5250 francs

2024 (3 famiglias en il program): 12250 francs

2025 (4 famiglias en il program): 14000 francs

Vischnanca cun garanzia da custs per ina famiglia

Pauschala unica:

500 francs

per onn (a partir da l'accumpagnament): 3500 francs

Incumbensas e rollas dal chantun e da la vischnanca da pilot

Chantun (direcziun dal project: Uffizi da sanadad)

- finanziaziun concepziun e gestiun dal Post da coordinaziun PAT en GR
- finanziaziun parziala da las plazzas per famiglias (senza part da la vischnanca)
- comunicaziun sin plaun chantunal
- evaluaziun dal project da pilot
- Pro Junior GR sin incumbensa dal chantun, realisaziun operativa dal PAT en vischnancas da pilot (recrutar / scolar trenadras da geniturs, infurmar persunas assegnantas, accompagnar famiglias, e.u.v.)

Vischnanca da pilot

- finanziaziun parziala da las plazzas per famiglias
- facilitar ils access als posts comunals assegnants
- metter a disposiziun gratuitamain localitads per inscuters da gruppas mensils
- lavur da publicitad sin plaun communal (p.ex. publitar ils inscuters da gruppas)

Voss contact: Valeria Ciocco, Uffizi da sanadad, Coordinatura dal program Promoziun da la sanadad, +41 81 257 64 10, Valeria.Ciocco@san.gr.ch

Cun il sustegn da